

SCRIPT OF EVENING GOJRI NEWS BULLETIN 13MAR 2025

1700HRS

اوننگ گوجری نیوز بولیٹن 13 مارچ 2025

یوہ آکاشوانی جموں بے نصرت تے ظفر اقبال تیں خبر سُنو۔

HEADLINES

- ۱۔ وزیر اعلیٰ عمر عبداللہ نے کہی وقرج تے دین داری غو کجھ حصو لداخ نانہہ مُنتقل کرن غا مسئلہ وزارت داخلہ سنگ چایو گئیو ہے۔
- ۲۔ وزیر اعلیٰ عمر عبداللہ نے جموں کشمیر انتظامی سروس محکمہ نانہہ امتھان غا نساب نانہہ حتمی شکل دین غی عمل آخری مراحل مانہہ ہے۔
- ۳۔ وزیر موصوفی سکینہ اتو نے کہیو کٹھوعہ تے سانبہ ضلع مانہہ ۵۱ لکھ کنال تیں زیادہ زمین قبضات تیں واپس لی گئی ہے۔
- ۴۔ حکومت نے کہیو صنعتی اسٹیٹ واسطے زمین غی تقسیم پالیسی غے مطابق کی گئی ہے۔
- ۵۔ محکمہ موسمیات نے اج واسطے یلو الرٹ جاری کیو ہے محکمہ موسمیات نے ہلکی تے درمیانہ درجہ غی بارش تے برف باری غی پیشین گوئی کی ہے۔

CM MHA

وزیر اعلیٰ عمر عبداللہ نے اج قانون ساز اسمبلی نانہہ مطلع کی وجے تنظیم نو گے بعد جموں کشمیر تے لداخ نانہہ مرکز غے زیر انتظام علاقان غیشکار اثاثوں واجبات تے قرجان غی تقسیم غا ہوالہ تون رپکن قیسر جمشید لون غ سوال گو جواب مانہہ وزیر اعلیٰ عمر عبداللہ نے کہی وجے یوہ عمل ۰۳ اکتوبر ۰۲۰۲ نانہہ جی اے ڈی غا نوٹیفیکیشن غے مطابق کیو جاریو ہے انہاں نے مزید کہی وکہ عوامی قرج غی تقسیم غا باری مانہہ ۵۲ سو ۴ کروڑ ۶۴ لکھ غی مالی زمرہ داری لداخ نانہہ منتقل کی جانی ہیں تے یوہ معاملو وزارت داخلہ تے لداخ انتظامیہ غے سنگ چایو گئیو ہے۔

CM JKAS

وزیر اعلیٰ عمر عبداللہ نے اج جموں کشمیر قانون ساز اسمبلی نانہہ مطلع کیو جے جموں کشمیر انتظامی خدمات غا ۲ ہزار ۸۱ تے ۴۲ بیج غا نصاب نانہہ حتمی شکل دینو اپنا وُخری مراحل مانہہ ہے تے جلد ہی اس غا مکمل ہون توں بعد امتحان منعقد کرایا جیوں گا۔ اس گل غی جناکاری وزیر اعلیٰ نے قانون ساز ممبر اعجاز احمد جان غی طرفوں پوچھیا گیا ایک سوال کا جواب مانہہ دتی جناب عمر عبداللہ نے مزید دسیو جے انتظامیہ نے قومی معیار غے سنگ ہم آہنگی نانہہ یقینی بنان واسطے دیگر ریاستاں تے مرکزی زیر انتظام علاقان غا نصاب غے سنگ جموں تے کشمیر غا نساب غو تجویز کیو ہے۔ وزیر اعلیٰ نے اس مسئلہ ور بولتا واں یو وی دسیو جے مکمل نصاب غی تیادی واسطے اعلیٰ آئی اے ایس افسران کولوں مشورو لیو گئیو ہے۔

LAND RETRIEVAL

صحت تے تعلیم غی وزیر سکیتینہ اتو نے اج دسیو کہ کٹھوعہ تے سانبہ ضلاع مانہہ کل ۷۱ لکھ ۷۲ ہزار ۲ سو ۱۴ کنال تے ۸ مرلہ غیر قانونی قبضہ وچوں ۵۱ لکھ ۹۳ ہزار ۶ سو ۲۶

کنال تے ۵۱ اشاریہ ۵ مرلہ زمین واپس حسل کی جا چکی ہے۔ یا گل وزیر موصوفی نے وزیر اعلیٰ عمر عبداللہ غی جانب تیں راجیو جسروٹیہ گا سوال غا جواب مانہ کہی۔ انہاں نے مزید دسیو کہ باقو ۳ لکھ ۳۱ ہزار ۶ سو ۵۴ کنال ۲۱ مرلہ زمین جس غی مالیت ۸۱ ہزار ۹۴ کروڑ ۰۶ لکھ روپیہ ہے قبضہ کرن آلاں تیں واگزار کرن واسطے قانونی کاروائی شروع کردتی گئی ہے۔ مزید تفصیلات فراہم کرتا واں وزیر نے کہیو کہ غیر قانونی قبضہ مانہ گئی زمینانہ مختلف علاقان مانہ واپس لیو جارہو ہے۔

SAFAI KARAMCHARIS

شرکار نے اج کہی وہے جے جموں کشمیر غا بکھ بکھ شہری بلدیاتی اداراں مانہ کیجول مزدوراں غ اطور ور کم کرن آلا صفائی ملازمین نانہ پکا کرنغا معاملات کی جانچ روز مرہ اجرت ریگیولیٹریز کرن آل کمیٹی غی زیرے کی جے گی وزیر صحت سکینہ اتو وزیر اعلیٰ عمر عبداللہ کی جانب توں بھارت بھوشن گا ایک سوال غو جواب دے رہی تھیں محترمہ اتو نے ایوان نانہ دسیو جے اس ویلے جموں کشمیر غا بکھ بکھ شہری بلدیاتی اداراں مانہ ۷ ہزار ۳ سو ۳۵ صفائی ملازم کم کر رہیا ہیں۔ انہاں نے کہیو جے ان بچوں مچ سارا ملازم ایسا ہیں جن نے محکمہ اندر ۰۱ توں ۵۱ سال کم کرلیو ہے تے اس ویلے وے مستقبل ملازم غا طور ور کم کر رہیا ہیں جدکہ صرف چند صفائی ملازمین ایسا ہیں جہیڑا عارضی ملازم غا طور ور کم کر رہیا ہیں۔

SPORTS MINISTER

کھیڈاں گا وزیر ستیش شرما نے اج کہی وکہ اکھنور حلقہ مانہ مقامی نوجواناں واسطے مختلف کھیڈاں کی سہولیت فراہم کی گئی ہیں وزیر موصوفی اج قانون ساز اسمبلی مانہ موبائل گا سوال گو جواب دے رہیا تھا۔ انہاں نے دسیو کہ اکھنور غو انڈور سٹیڈیم اچھی حالت مانہ ہے تے فعال ہے اسی طرح ڈگری کالج اکھنور غا کھیڈ میدانانہ ہال ہی مانہ بہتر بنایو گیو ہے جت مختلف کورٹس وی آئی پی بیٹھک تے بیسن واسطے نشستیں غی تعمیر کی گئی ہے۔ تے وزیر نے کہیو پلوان غا کھیڈ میدان مانہ بیٹھک غی عمارت غو بالائی ٹھانچو خراب ہو گیو ہے۔

UDH KIDNEY DAY

گورنمنٹ میڈیکل کالج ادھمپور نے اج اپنا احاطہ مانہ گردہ غو عالمی تہاڑو مانیوجی ایم سی ادھمپور مانہ کیا تہارو گردہ ٹھیک ہے؟ جلد پتو کریں گردہ غی صحت غو تحفظ کریں، اس موضوع ور ایک تقریب منعقد کی۔ یوہ تہاڑو ہر سال مارچ گا دوجہ جمعرات نانہ دنیا بھر مانہ گرداں گی بیماریاں گا بارا مانہ آگاہی پیدا کرن واسطے مانیو جے۔ تقریب مانہ مختلف پروفیسر تے اسٹینٹ پروفیسر نے خطاب کیو تے حاضرین نانہ گرداں گی مختلف بیماریاں تے اُن غا روک تھام بارے آگاہ کیو گیو۔

INDUSTRIES ESTATES

سرکار نے اج واضع کی وہے جے صنعتی اسٹیٹ گا قیام واسطے زمین محکمہ مال غے زیرے صنعت تے تجارت غا محکمہ گا اختیار مانہ رکھی جے جس نانہ بعد مانہ طے شدہ طریقہ کار غے مطابق خواہش مند کارو باریاں نانہ مختص کیو جے اس گل غی جانکاری وزیر اعلیٰ عمر عبداللہ نے میر سیف اللہ کی طرفوں بفرم غی آراضی کی الٹمنٹ تو متعلق چایا

گیا ایک سوال گ اجواب مانہ دتی۔ اس پہلاں وزیرت موصوف سکینہ اتو جن غے کولے مالی پورٹ فولیو وی بے۔ نے وزیر اعلیٰ عمر عبداللہ غیجانب توں جواب دیتا واں ایوان نانہ یقین دوايو جے تمام زمیناں غی تقسیم پالیسی غی شرانیط غے مطابق سختی سنگ کی گئی بے۔

LA ZERO HOUR

موجودہ اجلاس غا خصوصی وقت مانہ کاروانی غے دوران کئی اہم مسئلاں چایا گیا جن غو تعلق حکمرانی تے عوامی خدشات تیں تھو۔ آکاشوانی جموں گا نامہ نگار غی رپوٹ غے مطابق اجلاس غو آغا گلگام غ ارکن اسمبلی ایم وائی تاراگامی جہیڑا حال ہی مانہ تشکیل دتی گئی تجارتی مشاورتی کمیٹی غا رکن وی بیں غی جانب تیں حزب اختلاف غا ایک خزشہ نانہ واضع کرن تیں ہوو اُنہاں نے کہیو کہ جموں کشمیر تنظیم نوی دفعہ ۹۱۰۲ غے تحت سپیکر نانہ قانون سازی غا معاملات مانہ مکمل اختیار حاصل بے تے اُنہاں نانہ کسی بیرونی مشورہ غی ضرورت نہیں بے۔ پامپور غ ارپکن اسمبلی جسٹس حسنین مسودی نے کاکا پورہ مانہ ریلوے کراسنگ غے ہُن بنیا زمین دوز رستہ غ اہلاک ہون غا سنگین مسئلہ ور روشنی کھلی۔ پٹن غا رپکن اسمبلی جاوید ریاض نے ایس ڈی ایچ مانہ انسٹھیسہ غا ماہرین غی عدم دستیابی غو مسئلو چایو۔

RAJOURI VETERINARY CAMP

بھارتی فوج غی جانب تیں راجوری غا شاہ پور گراں مانہ ایک جانوراں گا علاج واسطے امدادی کیمپ غو انعقاد کیو گیو جت ڈاکتران کی ایک ٹیم نے بڑی تعداد مانہ مال مویشی تے دیگر جانوراں غ و معائینو کیو۔ اس کیمپ مانہ فوج غا اعلیٰ افسراں نے شرکت کی اس موقع ور ۲ نرسنگ اسٹینٹ جہیڑا جانوراں غا علاج مانہ مدد کرے اُنہاں نے ٹیم غی مدد کی تانجے کیمپ نانہ بہتر طریقہ سنگ چلایو جے کیمپ غے دوران ۰۸ جانوراں غ املک نے اپنا جانوراں غو معائینو کرایو تے علاج واسطے لایو کل ۰۵ داند ۰۲۱ گاں تے ۵۴ پیڈھ علاج واسطے لایا گیا۔ جانوراں نانہ مزید صحت مند بنان واسطے طاقت بخش خوارک دتا گیا۔ اس سلسلہ مانہ ایک مقامی شخص نے اس طرح کہیو۔

KISHTWAR RAIN

ضلع کشتواڑ مانہ اج خراب موسم نے متی بارش ہونگی وجہ توں ضلع غا تمام سرکاری تے بجی سکول بند رہیا قابل ذکر بے جے یوہ احتیاطی قدم ضلع انتظامیہ نے تمام طالب علماں غی حفاظت غے چلتا لیو بے تانجے سکول غ اعملہ تے طالب علماں کی جان نانہ کوئی خطرو لائق نہ وے۔ اس تیں علاوہ اج ضلع مانہ ہون آلا ڈرائیونگ ٹرانیل وی لگاتار بارش ہون غی وجہ توں ملتوی کردتا گیا ہیں۔ یہ ڈرائیونگ آزمائش ہون ۰۲ مارچ نانہ کرائی جے گی۔ ضلع انتظامیہ نے عوامور زور پایو بے جے وے سرکاری چینلاں غے ذریعے باخبر ریں تے موجودہ موسمی حالات غے چلتا ضروری احتیاطی تدبیر اختیار کریں۔

WEATHER

جموں کشمیر مانہ اج واسطے محکمہ موسمیات نے یلو الرٹ جاری کیو بے جس غے مختلف علاقاں مانہ ہلکی تے درمیانہ درجہ غی بارش تے پہاڑی علاقاں مانہ برف باری ہون غا امکان ہیں۔ آکاشوانی جموں غ انامہ نگار غے مطابق ۰۱ مارچ تیں رُک رپک غے بارش پے ربی بے تے یوہ سلسلو ۶۱ مارچ توڑی جاری رین غی توقع بے محکمہ موسمیات

غو کہنو ہے کہ ۵۱ مارچ توڑی کئی مقامات ور ہلکی تے درمیانہ درجہ غی بارش تے برف
باری ہو سکے تے ۶۱ مارچ نانہہ کجھ مقامات ور برف باری ہون گا امکان ہیں ۷۱ تیں ۱۲
مارچ توڑی موسم عام طور ور خشک رہ غومسافراں تے سیاحاں نانہہ ہدایت کی گئی ہے کہ
ٹریفک ایڈوازی ور عمل کریں۔
